

**BOSNA I HERCEGOVINA  
FEDERACIJA BOSNE I HERCEGOVINE  
BOSANSKO-PODRINJSKI KANTON GORAŽDE  
ZAVOD ZDRAVSTVENOG OSIGURANJA  
BOSANSKO-PODRINJSKI KANTON GORAŽDE**

Broj: 14-3113-4/19

Goražde, 20.09.2019. god

Na osnovu člana 19. Statuta Zavoda zdravstvenog osiguranja Bosansko-podrinjskog kantona Goražde („Službene novine Bosansko-podrinjskog kantona Goražde“ broj: 6/16), člana 38a. Stav 3. Pravilnika o načinu ostvarivanja prava iz obaveznog zdravstvenog osiguranja (Službene novine Federacije BiH broj: 31/02 i 20/19) Upravni odbor Zavoda zdravstvenog osiguranja Bosansko-podrinjskog kantona Goražde na sjednici održanoj 20.09.2019. godine, donosi

**ODLUKU  
o utvrđivanju kriterija i načinu ostvarivanja prava osiguranih lica  
na liječenje u inostranstvu**

Član 1.

Ovom Odlukom se utvrđuju se kriteriji, način i postupak ostvarivanja prava na priznavanje učešća dijela troškova liječenja u inostranstvu na teret sredstava Zavoda zdravstvenog osiguranja Bosansko-podrinjskog kantona Goražde, ako je u pitanju oboljenje koje se ne može liječiti u FBiH u iznosu koji ne može biti veći od 20% od iznosa plaćenog za liječenje odnosno najviše 20.000,00 KM.

Član 2.

Odobravanje finansijske pomoći iz člana 1. ove Odluke vršit će se samo za liječenje oboljenja i stanja koja nisu utvrđena u članu 5. stav 2. Pravilnika o uvjetima i postupku upućivanja osiguranih lica na liječenje u inostranstvo ("Službene novine FBiH" broj: 93/13).

Član 3.

Osigurano lice je, uz zahtjev za odobravanje finansijske pomoći, obavezno priložiti sljedeću dokumentaciju:

- medicinsku dokumentaciju o liječenju osiguranog lica u zdravstvenim ustanovama na teritoriji kantona, odnosno FBiH od oboljenja radi kojeg odlazi na liječenje u inostranstvo;
- mišljenje konzilia doktora odgovarajuće klinike u pisanoj formi o tome da su iscrpljenje sve mogućnosti liječenja osiguranog lica na području FBiH, da li je neophodno da se uputi na liječenje u inostranstvo i gdje, da li u zemlji u koju se upućuje postoji mogućnost uspješnog liječenja oboljenja od koga boluje i da li se, nakon završenog liječenja kontrolni pregledi mogu obavljati u zdravstvenim ustanovama na području Bosansko-podrinjskog kantona Goražde i FBiH;
- izjašnjenje nadležnog konzilia da se radi o oboljenju koje ne spada u kategoriju oboljenja i stanja definisanih u članu 5. stav 2. Pravilnika o uvjetima i postupku upućivanja osiguranih lica na

lječenje u inostranstvo koji se finansiraju iz sredstava Fonda solidarnosti FBiH;

- originalni račun zdravstvene ustanove u inostranstvu u kojoj je osigurano lice liječeno uz potvrdu ili drugi dokaz da je račun plaćen;

- otpusnicu, otpusno pismo ili drugu medicinsku dokumentaciju iz zdravstvene ustanove u inostranstvu u kojoj je osigurano lice liječeno. Ukoliko navedena dokumentacija nije na bosanskom, hrvatskom ili srpskom jeziku, potrebno je istu prevesti na jedan od ovih jezika; fotokopija kartice sa brojem ţiro računa na koji se može izvršiti uplata odobrene finansijske pomoći.

#### Član 4.

Po zahtjevu iz člana 3. ove Odluke rješavat će se saglasno odredbama Zakona o upravnom postupku ("Službene novine FBiH" broj: 2/98 i 48/99).

#### Član 5.

Ova Odluka stupa na snagu danom donošenja, a primjenjuje se od 01.10.2019. godine.